

POLITICA

**O REPIGGIO DA LIGURIA
O PASSA DA BRUXELLES**

INTE STO 2020 CHE O PASSIÀ A-A STÖIA PE TANTE RAXOIN, e elecioin regionæ liguri òccupan de seguo un pôsto limitou e marginale. E l'è giusto èsine consapevoli, segge pe no dà trôppa importansa a-e bæghe nostræ, segge pe capi comme reimpostâ un rapporto dialettico e de scambio con l'esterno, che o l'è vegnuo à mancâ de maniman che a region a se serrava in sce lê mæxima. Pe liberâse da-o schema de dipendensa da-o Stato italiano, a Liguria a deve imparâ a relaçionâse fito con - e sorviatutto piggia e palanche da -Bruxelles. Se a zonta Burlando a no l'ea in grado de mette à fruto e risorse reise disponibili da-a UE, lasciando li una boña parte sensa riesci à spendila (s'ea perso ciù de 100 milioin), o governo Toti o l'à

Pe liberâse da-o schema de dipendensa da-o Stato italiano, a Liguria a deve imparâ a relaçionâse fito con - e sorviatutto piggia e palanche da -Bruxelles.

sci fæto megio in ponto quantitæ, ma sensa dâse breiga de imaginâ una speisa de qualitæ. Chi travaggia into mundo de l'impreisa ô sa ben, che o ciù de vòtte i bandi FILSE fæti co-i fondi UE son de specie de suscidi elargii un pô cosci abrettio, perché sci. Incango a capacitatæ de profitâ ben di fondi UE, e no solo quelli che son assegnae d'ufficio à l'Ente Region, ma à missa in móto de un meccanismo virtuoso che o pôrte e impreise, e associaçion, e fundacioin, e scheue, insomma i diversci attoi da societæ e de l'economia ligure à finiançâ i seu progetti co-e risorse europee, a l'è una de pôche speranse de rimette in pê o territöio. E sorviatutto a seu demografia. E a politica côte a fa?

No sò se ei avuo occaxon de leze o programma che aivan concordou e forse politiche do Campo Progressista insemme a-o M5S, che dapeu an consegnou a-o Ferruccio Sansa comme fise un testamento da esegui. A pâ a lettia pe Papâ Natale: ciù palanche pe l'Entrotæra, ciù palanche pe-a scheua, ciù palanche pe questo e pe quello. Repiggemmo o welfare, repiggemmo o travaggio. Un bellissimo sfôrso de imaginacion. Figuemoselo: Gianni Pastorino li cegou à pensâ comme spende

No sò se ei avuo occaxon de leze o programma che aivan concordou e forse politiche do Campo Progressista insemme a-o M5S: a pâ a lettia pe Papâ Natale.

e à rattellâ con Farello ô Rossetti che vorrievan spende pe quarçois'atro, e PiONDONI che o no l'è d'accordio. E intanto passava i meixi. Ean sti chi i famoxi accôrdo programmatici: pensâ come spende de palanche che no ghe son. L'accordio s'è trovou dixendo che tutti poeivan spende tutto quello che voeivan, tanto son palanche de fantaxia. Pâ un scherso, ma a l'è anæta cosci. A realtæ ligure a conseggeiva in-

ANDREA ACQUARONE

cangio un pragmatismo differente areo, che o parte da-a constataçion che se no se riesce à inverti à dinamica demografica gh'è ben pôco futu. Inverti à dinamica demografica veu di pensâ à comme créâ travaggio, à comme inandiâ de condiçion favorivei perché e impreise nascian ô vègnan chi, pe exemplo spostandose da Milan, ma no solo; into fâlo, beseugna affavo in tutti i móddi i settoi de activitatæ green perché son quelli donde ghe travaggia ciù tanti zoeni, e son i ciù coerenti co-e exigense do nôstro secolo. Tutto o resto - l'attenzion a-o sociale, o repiggio do welfare, e politiche pe l'Entrotæra - se no gh'è economia (verde) diventan a lista da speisa, e semmo tutti boin à scrivila.

Se capisce che pe fâ giâ e côte, in Liguria beseugna poeighe arrivâ e poeisene anâ, côte che purtróppo a no l'è scontâ. Do resto, gh'è una serie de opie ciù ô meno finiançâ e in corso de realizacions que a l'è à basta pe no doveine parla ancon, anche perché l'è vint'anni che ne parlemmo, e parlemmo solo de quello. Comme se da-a Gronda passesse o destin de sta Region, comme se a Vintimiglia ô a-a Spezza gh'importesse quarcôsa da Gronda, tanto che no trovemmo e parôle pe descreve o comportamento de Italia Viva, che a l'è riescia à rompi a coalicion de centro-scinistra à 5 stelle, officialmente, pe-a costion da Gronda. S'è feto de questa un scimbolo da poxion à favô do sviluppo econômico: se un o l'è disposto à fâlo à tutti i costi, veu di

L'imprescion a l'è che, stante cosci e côte, no tocchìà rexiste atri çinque anni, e cercâ de construî un'alternativa. Ma o l'è un peccou, perché se poeiva fâ megio, e fâlo oua.

che o ghe tègne à l'economia, se in cangio o cerca de stabili una scaa de prioritæ, o l'è pe-a decresita. Intanto, da IV no l'è arrivou nisciun'atra idea pe-o sviluppo econômico da region. Comme partio sviluppista son scarsì forte.

Spiaxe donca constatâ che no s'è imparou ninte da-o 2015. À l'epoca mi aiva credduo che suidâcosci in publico no fise una boña idea, e quello che l'è successo o m'â dæto raxon; no se regordià mai à basta o danno che o l'â fæto o Cofferati a-a scinistra ligure, rôba da chinôlla infame. Ma a mossa de Renzi e compagnia a l'è foscia ancon ciù greive, perché oua e possibilitatæ de portâ avanti un'idea de Liguria moderna, verde, inclusiva, averta, zoena, vea, son assae meno de çinque anni fa, e co-a formacion de sto "terso pôlo" in praticâ spariscian areo. Spiaxe pe chi o gh'è anæto apreuvu, a-o Renzi e a-a Paita. Magara sensa voei, ma fan o zeugo de Toti e compagnia. L'imprescion a l'è che, stante cosci e côte, no tocchìà rexiste atri çinque anni, e cercâ de construî un'alternativa, che a l'unisce Zena à Bruxelles. Tocchià travaggia ancon in sciâ cultua, pe no perde a consensua de ese pôpulo. Ma o l'è un peccou, perché se poeiva fâ megio, e fâlo oua.


ANDREA ACQUARONE

COLTUA

**SE A LIGURIA A NO SA CIÙ CHI A SEGGE
Emmo ancon da imaginâ o nôstro post-industriale.
E foscia ammiâ a-o passou repubrican o l'aggiutta.**

"MA A CITTÆ A NO DIXE O SEU PASSOU, A Ô CONTËGNE COMME E LINIE DE UNNA MAN, scrito inti canti de stradde, inte grixelle di barcoin, inte arrembagge de scae, inte antenne di parafurmini, inte asta de bande, ógni segmento arrigou pe conto seu de sgragninæ, seghettatue, intaggi e virgole (Italo Calvino "Le città invisibili").

Scrivo tanto che Zena a l'è ascidiâ tanto da-o diabòlico precipitâ in sce lê de l'ambiente ch'ò ghe sta d'in gio, da-e frañe, da-i sciummi in piña, da-i viaduti pericolanti de autostradde, ópia de l'òmbo, a-e coe infinie de machine, segno de unn'impontente e matta fuga da "quarcôsa" che



Irene Tamagnone, "Fragilità"

o vègne zu, e quello "quarcôsa" o l'è Zena mæxima. A-o de là de polemiche politiche, pe una breve riflescion in scê catastrofiche sorte da Superba, aggredia da-a crudeltæ do mä, da-i scrölli de montagne e da-i rovinoxi deluvi do çê, provemmo à fâ un sato into tempo e arrivâ da-o lontan 1815, anno into quaé co-a sconfitta de Napolion à Waterloo se sancioña a "Restauracion", saiva à di, o retorno a-o passou, prima da Revolucion Franseise, e o Congresso de Vienna o l'architetta a neuva Európa. Inte tutto questo a gloriosa Repubrica de Zena, in declin e allembeia da-i monta e chiña da stôria, a l'arría mestamente a bandea e a vègne annessa a-o Regno de Sardegna, eterno nemigo di tempi d'acciai, incarregou de l'ambicioso progetto de unificâ a realtæ politica menissâ e turbolenta do stivale italiano.

Lonxi da mi o passatismo e o "nostalgismo" in scî "belli tempi de 'na vòtta", con tutto che no son cosci vego; a constataçion però a l'è che e côte à quello pe Zena cangian no solo politicamente, ma subentra

À l'interpdo**UNNA PROPÒSTA
PE-E DISEGUALIANSE**

L'idea de l'ereditâ de cittadinanza a-o centro de debâ.

STEFANO GAGGERO PAG.2

**NERVI E O CIUMENTO
INCONTRI E SCONTI**

I progetti da zonta Bucci preveddan tanto bello ciumento à Nervi.

MATTEO CIAPPINA PAG.3

**FRANSA E CÒRSEGA:
O VOTO DI COMMUNI**

O voto franseise o lâ Visto l'affermacion di Verdi e de l'autonomismo.

ANDREA MION PAG.2

**SE MAI SE SCREUVÉ
CHE EXISTE I DEHORS**

A pandemia a l'â reiso necessâo permette tanti dehors, sperando che restan.

GUENDALINA CATALDI PAG.3

**A COSTION DE GENERE
IN ITALIA A L'ASPETA
A paritæ a va construia
partindo da-o travaggio**

COMENSEMBO DA UN SEMPLICE ESERÇIÖ SEMANTICO. Provemmo à mette da parte, se no à aboli, parôle comme feminismo ô, ancon pezo, masclilismo e sviovinismo. E iniçiemmo à ciammâ co-o nome veo una costion che a no l'â de sesso, comme no an de sesso i temi tipo l'ambiente, o climma, l'energia, i trasporti, a sostegnibilitæ, i diritti, o travaggio. A costion a se ciamaa "paritæ de genere". Donca una tematica politica, sociale e econômica orizzontâ co-e seu problematiche e sfaccettature, ch'â l'è composta da una serie de abusi e violenze da arrestâ e reprimme co-a mascima duessa, da

LANFRANCO FANTI continua PAG.2

VARIETÆ

unn'interpretacions diversa da cittæ e do territöio. Son contrastanti e vixin do mundo de Savoia, abrascæ de spaço e de terren, bellicoxi, fedeli a-e rendi potense conservatoe, respeto a-e vegia Zena, delongo attiâ da aneliti de indipendensa e de libertæ, vortâ a-i scangi marittimi e a-a conquista de neuve tære de otramar. A rivolta do 1849 e o consequente pugno de fero ordinou da-o Vittöio Emanuele II, e misso in atto da-i bersagges de La Marmora, a no l'â solo o savô de unna severa acion de polícia militare, ma de unna reisa de conti tra doc realtæ despægia donde a vixon do mundo do vincitô a l'anava impôsta tanto co-e boñe comme co-e brutte mainee. Succescivamente o conte de Cavour o disegniâ o profi e l'identitatæ politica e econômica da cittæ à l'interno do contesto do neuvo Stato ch'ò nasce. E boñe relacioin tra Ingiltæra e Stato sabaudo attian una neuva impenditoria e dinæ freschi, a cittæ a diventa logisticamente o ponto de partensa verso o neuvo mundo pe milioin de persoña a-a riicerca de fortuna co-e compagnie de navegacions. Zena a nasce torna, inevitabilmente a cresce e a va sorviadimensionandose asci comme centro urban, aumentando unna populaçion ch'a comensa à arrivâ anche da-o centro e sud Italia, a-a riicerca de travaggio. O 1892, o quattrocentenâo da scoverta de l'America o vègne celebravu int'una cittæ che a veu compete pe fascino e modernitatæ co-e rendi metrópoli europee. Ma gh'è un ma. O travaggio, difficile e intenso, de reorganizaçion urbanistica o no tégne conto de trôppi elementi. Levando spaço a-o letto de Besagno cresce i rischi de alluvion, dapeu a construion da neuva diretrice à mä

"E parteçipaçion statali favan arrivâ à Zena una grande ricchessa, ma domandan o pegno de un asservimento totale di seu spaçi".

verso Levante (Corso Italia) a snatura quello tocco de côsta. E neuve fabriches attian a populaçion de campagne, impoveindo de maniman tutto o territöio de l'entrotæra. Zena a l'abbandona cosci un'identitatæ secolare ciù comerciale, aristocratica e elitaria pe diventâ unna grande cittæ industrial e operaria, ricca de stabilimenti (de "servitù inquinânti"), inta quæ o pôrto o l'è o scâ primâo pe-e matéie primme che dovian èse travaggio. Sciben che no scrito inti nisciun cian edilio, a cittæ arrêelâ tra e miage seiçentesche, e stradde streite, l'exigenza de trovâ de spaçi de la da-o mä, a descriveva un códice ciutôsto ciao: e dimensioin de Zena ean quelle, ciù ni meno. L'espansio de cittæ a consciencia inti spaçi conquistâ feua, inti de territöi lonten, no into crescio do spaço urban. Mussolini o completa l'òpia con imaginâ e con impoñe a "Grande Zena", pe de raxoin de contrôlo politico ciù che atro, ma inandiando - in sciù de scancellâ letteralmente identitatæ, leugh, differenze morfológico-ambiental - un processo irreversibile, che o l'impoñe e seu exigense de infrastruttura, stradde, collegamenti à prescindere da-e caratteristiche do territöio. A speculaçion edilio do doppoguera, inta continuitæ co-o disegno sabaudo de un crescio stramesuou da cittæ, a s'affirma sensa trôppi problemi. E parteçipaçion statali fan arrivâ à Zena una grande ricchessa, ma domandan o pegno de un asservimento totale di seu spaçi. Una ricchessa che, à miâla ben, inti quelli anni a garantise (in proporçion diverse à segonda di diversci ceti) un benstâ trentennâo che quando o finisce, co-o tramonto de l'impegno do Stato inte l'economia pubrica, o coincidâ co-i primmi segni de dificortæ. Quello che o l'è apreuvu à vegni zu à tòcchi - letteralmente - a l'è a cittæ de urtini 100 anni, construia in scê premisses precedenti; o surrascadam climatico, o crescio inevitabile do volumme de traffeghi de machine e de ferrovie, o contrôlo delongo ciù incerto e desordenou che o Stato o doviae garanti in sciâ salute de opie publiche an caxonou sto "desastro perfetto". Da chi a neçescitâ de pensâse torna radicalmente, no guei inta lògica de unna "decrescita felice", che a-o manco a fise felice, stante che à tutti i móddi de decrescita se tratta, ma into repiggia i códici de um'identitatæ desconsciua da doi secoli pôcassæ, che a collega individuo e territöio, che a fa de un agglomeru urban un spaço uman e de bello vivighe, che a l'impoñe pe fôrsa di limiti, e che gracie a-a tecnologia green, a-e connescioin virtuali, à l'intelligença artificiâ, a l'indica de stradde, a proponê di sviluppi e di scenâ.

GIOVANNI GIACCOME

A RECLAM DO MEISE

ACQUA



DELLE

RIVIERE



NEI NEGOZI GD PROFUMERIE





LIGURIA

ITALIA

MONDO

UN'EREDITÀ PENSÀ PE-I NEOMAGGIORRENNI FINANCIÀ DA-A REGION

A proposta de l'eredità de cittadinanza, presentata da "Genova che osa" a l'à recuggeito diverse adexoin. Oua veddemmo se doppo e elecioin a diventà realtæ.

A LIGURIA A L'È UNNA REGION DIVISA. E disegualianse taggian a nòstra societæ tra chi o l'à e chi o no l'à, con lasciâ in derê tanti, tanto che pôchi fortunæ van avanti. In particolâ, tante zoene e zoeni ancheu no riescan à construise in autonomia un percorso de vita soddisfacente. È generacioin di nònni e di genitoi an sperimentou con evidensa un sato in avanti. E neuve generacioin san che staijan pezo. A crisi econòmica a l'à reiso strutturale questo dæto e poem-

sa, chi o riesce o l'è stæto bravo, se capisce, ma o l'avìa avuo a seu quôta de fortuna int'un territòio che o nega scistematicamente opportunitatæ a-i zoeni. Sta divixon a l'è ingiusta e insostegnibile asci. De fæti i zoeni liguri ciù fortunæ scappan da unn'altra parte tösto che peuan, i atri arrestan chi impantanæ; chi pöi o nasce feu, l'è difficile che o considere de vegni à stâ zoeni.

O nòstro futuo o l'è ligou à fi doggio a-o progersso de neuve generacioin. In particolâ, a mesua de sto progresso a l'è quante riesciamo à portà avanti de chi o l'arresta in derê. Emmo da lottâ contra e disegualianse e dovemmo affrontà a costion generacionâ. In vista de elecioin regionæ, dovemmo tegni presente che no existe i schemi, ni manco e candidatue sarvifiche. Int'una scituacion delongo ciù greive, l'è neçessâo pe prima còsia impegnâ pe quarche proposta ch'a l'indirisse o corso da nòstra region int'unna direcion differente. Pe questo sostegnimmo un cian in sce l'eredità pe l'autonomia di zoeni, vixiña à l'eredità proposta da-o Forum delle Disuguaglianze, cordinou da Farbizio Barca à livello naçionâ. L'eredità a conciste de unna dotacion monetaria progresiva e incondicionâ, attribuia à tutti i 19enni (...). L'eredità a l'è un investimento de tutta a region in sciò futuo. O l'è un investimento in sce quelli zoeni in scî quæ, do resto, no pontieva nisciun".

mo temme che a crisi pe-a pandemia a l'arrive à falo ciù greive. O percorso de studdi o l'è un indicatiô: de unna primma elemen-tare de 20 alunni in Liguria sa-vemmo che apeña 7 riesciàn à inmatricolâse à l'universitatæ inti tempi giusti, incangio 13 restian in derê. Quarchidun o diâ che falliscian perché no meitan. O l'è veo o conträio. Basta pöco pe tro-vâse da-a parte sbalidâ de frattue che taggian a societæ. O futuo di zoeni o l'è abbandonou a-o caxo. No stupisce che à Zena 3 scheue professionali e tecniche in sce 5 presentan un livello sociale basso de famiglie de seu studenti, contra solo 1 liceo in sce 4. Nasce inta una famiglia fragile, cresce int'un pôsto periferico, avei a sfortuña de no trovâ insegnanti e rendi che aggian coæ de investi in sce de ti, pe sólito son de condanne à vitta. Viçever-

sugnià institui di percorsi de af-fiancamento di beneficiâ, respo-to à l'impiego de quôte. O fondo vincolou o porriâ èse impiegou pe atri investimenti diretti a-o con-trasto de disegualianse tra i zoeni, come o recuperò de di allögi e de spaci pe attività imprendi-toriali, sociali, culturali e creative. L'eredità a l'è un investimento de tutta a region in sciò futuo. O l'è un investimento in sce quelli zoeni in scî quæ, do resto, no pontieva nisciun. Semmo apreuvu à promeuve o cian con una campagna che a ne portià scin-a-e elecioin regionæ e ciù in là, pe fâ in mòddo che a costion de di-segualianse e a costion giovanile intran tra e prioritæ do discorso pubrico, come un di ponti qua-lificanti de fôrse do centroscini-sta e do seu candidou, Sansa. Existe za unna proposta de lezze regionâ che a repiggia o nòstro cian, depoxità da-o consegge

"L'eredità pe l'autonomia di zoeni a conciste de unna dotacion monetaria progresiva e incondicionâ, attribuia à tutti i 19enni (...). L'eredità a l'è un investimento de tutta a region in sciò futuo. O l'è un investimento in sce quelli zoeni in scî quæ, do resto, no pontieva nisciun".

Luca Garibaldi, oua l'è un pâ de meixi. L'eredità a l'è ambiçiosa, ma solo con l'ambiçion porriemo affrontâ di problemi delongo ciù incancrenii e greivi. Voemmo fa-sciorti da unna condicione de minoranza chi, ancheu, scicomme o l'è taggiou feu da chesegge mesua de welfare, o l'è constreito à ridimensionâ a portâ di seu seunni, o o l'à bello che ciantou li de aveighene. Investi in sciò futuo de zoeni veu di investi in sciò futuo e o benstâ de tutti.

STEFANO GAGGERO
Genova che osa



@Katarina Sevcikova

L'Asmia Internacionâ

E communal franseixi veddan l'affermatio de verdi e autonomisti.

In Fransa e amministrative an visto e cîtæ principâ anâ in man a-a scinistra ecologista. Ma in Còrsega guâagna l'indipendentismo, e a costion a va compresa.

DOMENEGA 28 DE ZUGNO S'E-TEGNNUO E ELEÇION amministrative in Fransa, voto che o l'à mostrou un neuvo cangio inta politica franseise e a conferma de certe realtæ.

I resultati i ciù sorprendenti e positiivi son stæte e vittorie di Verdi inta Fransa continental, e quelle di autonomisti/indipendentisti inti l'isoa da Còrsega. O "Partitu di a Nazione Corsa" (PNC) o l'è diventou o primo partito pe preferenze in sce l'isoa, elezzendo o scindico inti di paixi significativi come Zonza ò Figari, ma sorviatutto de Pôrto Vecchio, unna de ciù grandi e importanti municipalitæ còrse. L'isoa a l'à manifestou de spesso a seu coæ de autodeterminacion, segge da-o lato indipendentista, segge da quello autonomista. Regor-demmo a lotta armâ do "Fronte di Liberazione Naziunale Corsu", inspirou à l'ETA e à l'IRA, e tutti i movimenti vixin à questo, ormai scentæ che l'è diversci anni, ma sorviatutto l'exploit di partiti territorialisti e progresisti inti urtimi anni, donde o dexidëo de unna

democrazia avansâ, o pacifismo, l'ambientalismo e o refuo da lotta armâ an sostituo de maniman a retòrica di partii naçionali franseixi, faxendo cresce a fiducia pe l'autogoverno inti cittadin còrsi. A repubrica franseise, do resto, o l'è un Stato fortemente centralizou, e no l'è un caxo se de spesso se parla de Parigi e do resto da Fransa, quando s'â da fa co-i serviçi, co-o tessuo sócio-económico e ancon de ciù co-a coltua. A divixon linguistica franseise, sciben che aeguâ, a l'è presente e compriçâ, e se ghe reconosce cinque gruppis: la *langue d'oïl* (inta quæ ghe cazzie o franseise *standard* e o *piccardo*), a *langue d'oc* (occitan in senso ancio), breton (de tipo celtico), francoprovensâ (arpitan) e còrso. A-o de là de queste emmo da reconosce asci e minoranze catalâne, basche, i dialetti tedeschi e o ligure. A supremacia naçionâ do franseise *standard* a l'è apreuvu à scancellâ tutte e atre lengue in Fransa, e de fæti i governi de l'isoa an delongo incontrou de dificortâ à portâ a lengua còrsa a-o mæximo cian do franseise, pe çercâ de creâ un bilinguismo che ancon o no l'existe.

L'alleança tra autonomiste e indi-pendentisti, riunii in diverse sigle, a l'è portou à l'esploson da costion còrsa in Fransa da-o 2014; da quello momento i movimenti regionalisti còrsi veddan cresce delongo de ciù i seu consensi, e sta tornâ elettorale a l'è stæta l'ennexima ripreuvu. Inte st'urtimo dexennio emmo visto nasce e cresce tante organizaion, in



ANDREA MION
Sanca Veneta

**L'asmia a l'è o metodo de
piggia a poxion in mà pe
mezo de l'osservacion do trei
ponti cosipicui che se veddan
amminado a còsta.**

EGUALIANSA TRA I GENERI

(continua da pag.1)


ingiusticie da cormâ comme o peiso inta gestion di figgi solo in scia moæ, e da di veui econòmichi da impi (à comensâ da-a disparitatæ retrutivâ de salâo e de pensiòn tra ômmo e dònna). Sta chi a se ciama politica de genere. Che a l'â, in ciù de problematiche, ancheu de obiettivi e de solucion, da-o congedo de paternitâ obligatòio a-i incentivi fiscali pe l'occupâo e l'imprenditoria femminina; da l'applicâo da "Convençion de Istanbul" in scia violenza contra e dònne a-o desmantellamento di steriòtipo pe mezo de unna ciù attenta comunicacion, pe exemplo, o de un controllo specifico do hate speech. A nôtta poxitiva a l'è che o tema da paritæ de genere a l'è finamente apreuve à intrâ into debâ publico e culturale, italiano (con fadiga) e internacionâ (ciù facilmente, e mascime in Euröpa).

E s'è superou o tema sterile e de curtiscimo respio de "quôte reusa", pe iniçiar à affrontâ con ciù tanta longimiransa e completeness de costioin comme a rappresentansa de genere e a pariæ distributiva. Peccou solo che assæ de spesso, mascime in Italia, a costion a sege aponto serrâ into re-cinto "femminin", saiva à dì son de soventi solo e dirette interessæ à scrive appelli, lettere, documenti, proposte. Comme se ste tematiche gh'avessan à vedde solo con l'universo femminin, e no fisian, incangio, di principi universali comme quelli de l'egualiansa, do diritto, do sviluppo sociale e econòmico de un paise. Saieiva l'oa che niatri ômmi asci se fescimo carregó de portâ avanti proposte, soluciōn e obiettivi che faieivan do nôstro paise, de nôstre cîtæ di leughî ciù segui, conviviali, giusti e pròsperi. L'è normale che pe ogni euro che un ômmo o guâagna, unna dònna a riceve 84

citti, faxendo o mæximo travaggio? Pe de ciù, o unna dònna euro-pea ghe vêngne offerto in media di pezo loei e di pôsti de travaggio part-time. E donne compoñan o 93% di operatoi de l'ascistensa à l'infancia e di ascistenti di insegnanti; l'86% di operatoi de ascistensa personale inti servizi sanitâi; o 95% di addetti a-e policie domes-teghe e di aggiuntanti. Inte tutta l'UE se stimma che de sti 1,8 milioin de ascistenti, l'83% circoncirca seggian dònne.

Quande nasce i figgi, i poæ vêngnan promossi, tanto che e moæ comensa à guâgnâ de meno. Se azzonzenmo tutto questo into conto, unna dònna europea a guâgnâ o 40% in meno do lavoratò medio. E quandâ a va in pensiòn, a paritæ de travaggio, e dònne recei-vaan o 30% in meno de contributi. Ste differense, ste ingiusticie, con l'emergensa Coronavirus se son accentuæ ancon.




Doman, inte l'inevitabile ridefinicion do modello de sviluppo sociale e econòmico che o vegnià apreuve à sta crisi globâ, quello da paritæ de genere o doviâ èse un tema in cima a-a lista. Partindo da unna valutacion do diverso impatto che a pandemia a l'â avuo in sce dònne e ômmi. Sto chi o consentià a progettâo de salvataggi equi de genere, suscidi, e atre mesue de ripresa econòmica. In geneâ, e forme de travaggio à tempo parçiale, flescibile e de



Irene Tamagnone, "Women rights"

atro tipo dovinievan avei un salâo minimo adeguou e èse ammischibili a-a seguessa sociale. Saiai fondamentalmente mantegni l'equilibrio de genere into processo decixionale inte scituacion de crisi, e sorviatutto doppo, de mòddo da avei delongo un equilibrio de ponti de vista e prospettive. In Euröpa a-o momento gh'è tra dònne inti pôsti de ciù tanta responsabilitæ. A presidente da Commision Europea, Ursula Von Der Layen, a presidente do Conseggio d'Euröpa e premier tedesco Angela Merkel, e a Presiciente da Banca Centrale Europea Christine Lagarde. Da ômmo me sento representou assæ ben. A l'è l'oa che in Italia asci se fasce un passo verso a giu-sticia de genere, e donca verso o futuro.

LANFRANCO FANTI
*Consegge politico Commissaria
Europea per l'Uguaglianza*



COLTUA

SOCIETÆ

AMBIENTE

SE NERVI A VEU REXISTE

O quartê do levante de Zena o l'affronta un Destin de ciumentificación e gentrificación. Ma unna parte di cittadin a no se ne veu sta.



@Katarina Sevcikova

O MOGOCHO O PIAXE A-I ZENEIXI, MA O DIVENTÀ ANTIPATICO quande o l'arriva da di pôsti privilegiæ da cittæ, comme Nervi. Ma chi no parlemmo di nerieixi e do seu mogogno, ma de Nervi, patrimônio de tutta a communitæ de zeneixi e liguri, che se strenzan intorno a-a "lô" Nervi contra a vixon de Bucci e da "seu" Nervi. Paradossalmente o scindico nerieisse, e çernie do quæ doveiva unì tutti, o l'è riescio à dividde comme mai, da unna parte, e da l'altra unio contra quelle decioxin che pan ancheu impôste da-i interesci de pochiscimi: da-a demolicion da stòrica pisciña Mario Massa, a-a reconstrucción de sto ben publico da parte de di privæ (unna cadeña de supermercoei ciutostò conoscua, sponsor tra l'atro de diverse manifestaciøn into Levante); da-o "riqualificà" o

portixeux con un progetto che o fa a pugni con l'armonia do borgo mainâ, à l'intitolacion do mæximo à un vegio fascista; da-a promissa de progetto e fondi "za pronti" pe-i Parchi de Nervi, che però son ancon latitanti, a-o pianificâ unna neuva *Euroflora* 2021, ch'a promette de èse ancon ciù mæveggiosa, sciben che ciù impattante de l'urtima edicion. O tutto inte l'atæisa che i cangi do PUC, propôsto da zonta Bucci, permettan l'avertura de l'unzen supermercou inte pôche centanæa de metri, e de ciumentificâ e sponde do Nervi pe permette l'attracco di barchi, che quelli che se ne capiscian dixan èse una brutta sciña peza da nôstra coâ de ciumento che a l'anâ à sostitui a pisciña.

Unna peticon de unzemia persoña a domandava de no tiâ zu a pisciña Massa ma de dâge re-

catto, reconscendoghe o caratere sociale, e intuindo comme o no falo o l'aviae portou à un effetto domino che o no l'aviæ risparmiou a bellessa do quartâ. Purtröpp in tanti, à comensâ da certe associaçion comme Italia Nostra, no son steti longimiranti e son anaëti apreuvu a-i interesci egoistichi de pôche associaçion do território, ignorando e firme di cittadin, con stravòlze a voentæ civica de ristrutturación da pisciña, vegnua feua asci int'un percorso partecipou che o l'avia portou a-a definiçion de un progetto de riqualification da struttua, co-o doggio *imprimatur* popolare e institucionâ, e o consequente stanciamiento de fondi publichi (2017) pe-a seu rigeneracion.

Ancheu Nervi a l'è lili pe èse snaturalizzâ int'un môddo ch'a no se merita; un cango de identità anacronistico ch'o à sponcia verso neuvo ciumento, in pontâ in sce un turismo de massa pe quarche settemaña à l'anno, incangio che in sce qualitæ e valô, e ascordandose di seu abitant e di servici sociali che ghe pertoccan. Partindo da-i Parchi, che ghe sciorte ancon o sangue pe caxon di (no ciù) recenti eventi climatici, a-a Passaggia, a-a riqualification da Marinella e do Portixeu, sensa ascordâse da pisciña.

Che à l'enneximo supermercou, che o stravolzieiva a vitta sociale e comerciale do quartâ, se preferiscian di progetti sostegnibili! Unna Nervi collegâ a-a ciclabile prevista in tutto Zena, i cien da quæ, però, se ferman à Quarto, e magara unna valorizacîon de quelli monti che, à pôche centanæa de metri da-o mât, porrieva generâ un induto ambientalmente sostegnibile pe 365 giorni à l'anno.

À sta communitæ ghe resta solo a speransa che e variaçion sensa sâximo do PUC che an propôsto, propedeutica a-o scempio, no passan. Ò unna battaglia legale pe difende a "nôstra" Nervi.

MATTEO CIAPPINA

No alla cementificatione di Nervi, no alla morte del commercio locale

NO PERDEMMO I TAVOLIN

L'epidemia a l'à avertó e pòrte a-i dehors di locali. A cittæ al'è ciù bella. Sperando che a ô reste anche quando saiemmo sciortii da l'emergensa.

GH'È UN PÔSTO, IN CORSO TORIN, un punto preciso donde, se un o serra i euggi, ghe pâ de stâ à Barceloña. Merito di platani che transforman de giornæ dedicæ (perse) a-a burocraçia int'una picciña vacansa spaço-temporale, sarvo poi addesciâse a-o semaforo pe-o son de de un clacson infuriou. A vitta do ristorante a se scompartisce in doi, unna ligâ a-a burocraçia a-e dificortæ di uffici pubrichi e privæ, e unna dedicâ a-o travaggio in bittega: quella ciù appassionante a l'è sensa dubbio questa: l'ospitalitæ, tema ampiamente discussu (e discutibile) inta nôstra no guæi averta, ma tanto ammâ Zena. Quarcosa però foscia sta succedendo in cittæ. Comme de picciñe formigoe son spontæ di timidi tavolin, ombrelloin, arredi pe esterno. Fan parte de mesue concesse a-i locali, ristorant e bar, pe affrontâ a ripartenza post-covid. E aloa pâ quæxi de stâ un pittin in vacansa, anche pe niatri zeneixi che passiamo a stâ in cittæ. Se screuve cosci di posto ascoxí, mai visti primma, de de realtæ che magara no rieçivan, pe unna raxon ò pe l'altra, à avei vixibilitæ. Se fa paxé co-i spaçi da cittæ, se respia äia de stâ e foscia quello senso de pesantessa che se portemmo drento o lascia spaço à un ciù legio amô pe-a nôstra stôia. Oua squæxi ogni ciassetta a l'â i seu tavolin. L'è fiña commovente e gn'arresto delongo into scrovî un palacio

"Comme de picciñe formigoe son spontæ di timidi tavolin, ombrelloin, arredi pe esterno. E aloa pâ quæxi de stâ un pittin in vacansa, anche pe niatri zeneixi".

stòrico, unna gexetta piccinetta, un lastrego sconnesso ma vegio de de secoli. A speransa a l'è che, con sâximo, stæ concessioin nasciue pe affrontâ l'urgensa e l'emergensa Covid arrestan valide. Saieiva un veo peccou no poei vedde tutte e stæ unna Zena ciù viva, ciù autentica, che a dà o giusto valô a-e seu bellesse. Sentise turisti inta propria cittæ o l'è un privilegio de

stinou à pôchi, da tegnise streito. Certe grendi cittæ d'Európa cangievan o seu moro sensa i tavolin feua fa-i *bistrot*, se pense à Parigi pe exemplo. Tra chi gh'è stæto, chi no l'è vosciuo sopportâ i venti freidi do Nôrd ciutostò che stâ feua inta quelli tavolin? Fra e critiche de tanto, e solo pe l'emergensa che emmo dovuo affrontâ, niatri ristoratoi semmo stæti facilitez, sorviatutto à livello burocratico, inte domande a-a Commun pe l'occupacîon do seu publico. A l'è stæta foscia a primma volta da quando fasso sto mestê che unna cõsa a l'è stæta facile e sorviatutto in tempi brevi. Sta facilitez de pratiche burocratiche a l'â no solo risollevou in parte o nôstro spirito personale e imprenditoriale, con rende ancon possibile a-i nôstri euggi a ristoracîon, ma o n'â fæto capi che l'idea de unna cittæ ciù

zoena e averta a l'è possibile, che o no l'è tutto finio. Emmo cosci impio a nôstra bellissima ciassetta de tavolin, à l'ombra de un pin vegio de cent'anni, che tutti l'ammian. Se gh'è unna cõsa che ô imparou co-i turisti inti anni passa e a l'è che no se rendemmo conto do gioiello che gh'emo. Vinçia a coæ de fâ, de colaborâ co-i vexin de bittega, vinçia o spírito san de unna cittæ ch'a veu comensâ torna da quello che a l'â, sensa beseugno de inventâse di frexetti ô de atracçion farlôcche, into nomme de l'estetica e do bon senso cittadin. Emmo tutto quello ch'ò serve pe èse unna cittæ allegra, ospitale e bellissima. Se sære i euggi m'è cao imaginâme cosci, turista inta nôstra cittæ.

GUENDALINA CATALDI
Gestoa Bellabu Bistrot


À ZENA UN FIGGEU O NO PEU AVEIGHE DOE MOÆ

SON CÔSE CHE SUCCEDAN INTA WONDERFUL ZENA: O COMMUN O DÀ BATTAGGIA À DI FIGGEU PE LEVÂGHE UN GENITOÏ (inconsapevolmente, perch'ò l'imprescion che o voesse fâ battagge a-i genitoi do mæximo sesso, ma sto chi o no giustifica, anci - mæ paï - o rende ciù greive l'intencion) e un giudice o s'ascôrda da un lato de un principio primmäio do seu travaggio, saiva à di o dovei de preferi delongo l'affido scompartio di figgeu incangio de quello esclusivo, e da l'atro un dettaggio, che a no l'è unna costion da peisafumme, össae che "in tutte le decisioni relative ai fanciulli, di competenza delle istituzioni pubbliche o private di assistenza sociale, dei tribunali, delle autorità amministrative o degli organi legislativi, l'interesse superiore del fanciullo deve essere una considerazione preminente". Unna tà dispoxion a l'è ribadia inte diverse nôrme anche da unna Sentensa da Corte de Cassacion, a quæ a dettaggia che "il principio costituzionale della tutela del

prevalente interesse del minore intende garantire la tutela più piena possibile ai concreti bisogni affettivi ed educativi di ciascuno e di tutti i minori coinvolti nelle vicende giudiziarie sottoposte al vaglio del giudice del merito". Comme se valuta l'interesse superiore do minô? A l'è unna valutacion che a mette in sci piati do bansa i avan-

"E aloa cõse emmo ottegnuo comme cittæ: unna figgetta, e tutti i figgeu comme lê, con meno diritti; diritti che pe ottegnili a doviâ lottâ pe tanto tempo".

taggi e i desvantaggi pe-o minô e l'è evidente che i avantaggi inte l'avei doi genitoi capaci superan de brutto i desvantaggi che questo o comportieva. Femmo un sato in derê: do luglio 2018 i rappresentanti de famigge rainbow se recan inte l'ufficio



@Katarina Sevcikova

do Scindico de Zena pe domandâge, in sede amministrativa, o reconoscimento a-a nascita di figgeu nasciui into Commun de Zena. O Scindico o denega o reconoscimento. E famigge sciortan da l'ufficio do Scindico e arvan a pôrta do Tribunale pe demandâ che a-i seu figgi segge reconosciu tutti doi i genitoi a-o momento da nascita. O Tribunale de Zena




mantegnî un rappòrt equilibrou e continuativo co-o figgio, fornî attençion, educaçion, instruçion e ascistensa morale e conservâ di rappòrti scignificativi co-i ascendenti e co-i parenti. O commune o no ghe sta e incangio de "mollâ o corpo", stante che o Scindico intanto o se mette indosso a scerpa archinchê, o decide de procede inta seu battaglia, foscia pe affermâ o principio che pe fâ un figgeu e unna famiggia "legalmente reconosciu" ghe veu un ômmo e unna dôrizza, ò pe evitâ de mostrâse accondiscidente, in ackettâ a sentensa, a-a merçificacîon do cörper da dôrizza co-a pratica de l'"uterio in affitto" (pratica illegale in Italia e inta ciù parte de paixi europi, e che do resto a no gh'â ninte da sparti co-o caxo specifico), insomma faxendo un bello menestron tra livelli e costiòin, à descapito d'un minô e da seu famiggia. È o guâagna.

E aloa cõse emmo ottegnuo come cittæ: unna figgetta, e tutti i figgeu comme lê, con meno diritti;

diritti che pe ottegnili, sempre che

ghe segge e possibilite econômicas e emotive de genitoi, a dovia lottâ pe tanto tempo; nisciuna resolucion globâ con unna lezze universâ che a scancelle tutte e possibilite de mercificacîon do cörper de dôrizza, sensa anâ à picâ co-o principio de autodeterminacîon, ma che a tutele e fasce e ciù deboli; e nisciuna evolucion sociale, perch'è unna famiggia a l'è un fæto culturale - paivimo aveilo capio, ma ò l'imprescion che semmo chi che tornemmo in derê. Se pôi voemmo fâ vinç a genetica e a natua, pe coerença comensemam à ciannâ a famiggia co-o seu nomme: streuppa (in italiano: *branco*). Veuggio sperâ che un giorno s'arrivià, à traverso un debâ plurale e o ciù laico possibile, a-a solucion de ste grande costiòin, ma spero che e tòe de quello debâ no aggian de gambe construie co-o sagrifício di diritti di figgeu. Semmo niatri i grendi, regordemmoste delongo de nôstre responsabilitate verso i minôi.

CAMILLA PONZANO



ZEUGHI

RECENSIOIN CONLATERALI

“IL PIANETA DELLE SCIMMIE”

NO SON UN CINEFILO. DA FIG-GEU, quande ancon no gh'ea o streaming, anavo a-i cineclub, de vòtte pe coioxitæ, de vòtte pe nöia o solitudine. O visto cosci inti primmi anni Ottanta int'un vegio cineclub zeneise (föscia o Nickelodeon?) “Il Pianeta delle Scimmie”. Aivo za lezzuo o libbro quarche anno avanti, da appassionou e on-nivore lettò de fantasciensa, quæc eo. A pellicola ch'a l'ea za un cult (a l'è de 1968) però a m'ava cor-pio assæ e a m'ava f'to raxonà, a-o delà da genericà malinconia ch'o m'ava inspirou o romanso. Gh'ò pensou torna che no l'è guæ trovandomelo in tv int'un zapping da insönnia notturna, e o provou à dà forma in etæ meuia à quelle imprescioin de un tempo. O cine o l'è pensceo pe imagine e inta pellicola se peu cheugge a-o manco doi discorsi, sovrappòsti e intersecæ. Da una parte gh'è un'utopia antitecnologica, de critica a-o progresso; da l'altra

unna distopia de fin da stöia, de mòrte de unna civilta. L'utopia antitecnologica a l'è incarnâ da-a societæ de scimmie che a l'è vegnua apreuve a quella umaña, e che a rappresenta o sfondo in sciò quæ se sviluppa a stöia. Unna societæ bella ordinâ, prudente, tetragona à l'innovation, ch'a se contenta de unna tecnologia redumentale. L'irruçion, anci, o ritorno da presenza de l'òmмо civilizzou o constituisce un fattò de perturbacion de sta societæ statica.

À sconvölze o mondo de scimmie no l'è tanto fæto che i ömmi seggian dota de paròlla, che incarnan a figua paradossale de l'anîma sençiente, quante ciutôsto a temmansa che a seu presenza a constituisce un fattò de rinnuevamento, de transformacion de unna societæ bloccâ. L'òmмо o l'è ascì, sensa voei, unna causa de acceleracion, o caxoña un cangiamento sociale che comme capiscian i vegi savi scimmia o l'è potenzialmente distruttivo.

E chi se sovraponé l'atro discorso: l'umanitatæ a pâ condanna a-a stöia, a no peu restâ inte quella condicion de immobilitæ astorica, attraverso a quaæ se reproduce a societæ de scimmie, a l'è pe seu natua portata de desordine, de acceleracion. A corpora do protagonista a no l'è donca solo quella de materializzâ un'imposcibilitæ,

quella de l'existensa de unn'inteligenza “atra”, impindo un ordine che o s'è constituiu intorno a-o postolou de l’“animalità” di ese umen, ma ascì e sorviatutto quella de acende torna unna sciama prometeica, che comme sa e scimmie a l'è a premissa de l'autodistruçion. L'an imparou da-e roïne da civiltæ de primma, che rappresentan o no-dito fondativo à l'origine do seu mundo, e do seu mòddo de vitta.

E chi se inseisce e se definisce l'atro grande tema: l'autodistruçion de societæ umañe. À l'origine de st'imbösâ o rapporto òmmino-scimmia gh'è un conflitto grandissimo che o s'è descadenou in passou, unna catastrofe che a l'è permissu che se inneschesse unna meña de alteranza biológico-evolutiva. Quande s'arresta unna ramma de l'evolucion comensa à scioine unn'atra, e tanto che l'umanitatæ a torna in derê à una condicion semi-feriña e scimmie se evolvan scin à razzone o linguaggio e à construî unna societæ meno avansâ de quelle umañe, me meno in contrasto co-a natua. O messaggio che o se porrieva leze o pâ èse quello de unna meña de iper-rousseauismo, che o disegna unna prospettiva pe-a quaæ i staddi precedenti da stöia umaña son stæti megio de quelli attuali, e a civiltæ a l'è perdia de equilibrio e impoveimento uman.

Concluxon de seguo romantica, ma che a treuva ancheu quarche consonansa inte di discorsi à cavallo tra ecologismo radicale, antropologia politica e teorie anarchiche radicali comme o primitivism de John Zernan. Ammiamo in derê se scrovieiva donca che se stava megio quando se stava pezo. In realtae però, ammido ben, inta pellicola gh'è doe poxioin: se da un lou gh'è unna denuncia di “eccesci do progresso”, da l'atro gh'è a critica a-e societæ statiche. No se peu tornâ in derê, no se dà ni decrescite felici ni segonde opportunitæ, e tentacioin regresciste piccan contra a realtae, e a prospettiva de l'Apocalisse a peu servi solo pe comprende che beseugna frontezzâ con consapevolessa o nôstro destin. L'umanitatæ a no peu che anâ avanti in sciò percorso faustian...

AGOSTINO PETRILLO

I leughî ciù
affollaë son
i leughî
communi.



Lê, in vacansa

JAN MYRDAL, RAPPORT FRÅN KINESIK BY, 1963



Quande unna persoña a meue, i figgi se vestan de gianco in segno de desmuo e informan tutti i parenti. Dapeu fissan a dæta e o leugo de intæro. Se rivòlzan à unna persoña esperta ch'a sa che giorno o l'è favoreive e quæ posto o l'è propicio. Primma à Liu Ling gh'ea un ömmo cosci, ma o l'è mòrto do 1961. O se ciammava Thung Shihai, e seu moggè, restâ videoa, a l'è stramuou into à Yüling, e seu neva a l'è stramuou a Sian. Da seu famiggia no gh'è ciù nisciu, chi. O l'è l'urtimo ch'o ne se capiva de ste cose, ch'o se serviva di metodi antighi pe stabili cose l'è propicio. Se inta famiggia gh'è tante persoñe vege, ste chi insistan perché se fasce vegni un do mestâ da quarche atro païse. Ma sti esperti son sempre de meno. I zoeni no se dan guæi breiga de ste cose; i vegi incangio considean assæ importanti e modalitæ de seportua.

Quande s'è trovou un pôsto bon pe-a tomba e un giorno giusto pe-i funebri, se invita tutti i parenti. Sti chi mandan aloa di cibbi e di dinæ, pe-o un valô de 3-5 yuan à famiggia. Pòi vègnan, ascì da assæ lontan, pe asciste a-a cemônia. O primo giorno se riuniscian pe trei vòttes pe fâ de disnate: à eut'oe da mattin se mangia pasta de seiga co-o tocco de carne e di legummi in adòbbo. Donca se cianze e se parla do mòrto. Dapeu se va à letto.

À mattin apreuve, de bon'oa, se tègne l'intæro. Quattro o eut-

to amixi streiti pòrtan a cascias. O primmogenito o cammiña in testa a-o corteo, portando davant à l'è a placcia co-o nomme do mòrto. Dapeu tutti cianzan scin à seia. À

to amixi streiti pòrtan a cascias. O

primmogenito o cammiña in testa

a-o corteo, portando davant à l'

è a placcia co-o nomme do mòrto.

Dapeu vègne a cascias, pòi vègne

pertuso perpendicolare into löss, doncâ se scava una stanchia sotterrania. Se meue avanti a moggè, a se intæra feua da l'âia de tombe de famiggia, int'unna tomba provi-

visiòia; ciù tardi a vègne trasferia vixin a-o maio,

q u a n - de lê ascì o meue.

Aloa i figgei raccheuggian e òsse da moæ e fan unna

c a s c i a

neuva, ciù picciñ a de unna

c o m m u n e , e l'âl-

u g a n depoi à quella do

poæ. Se meue primma o maio, se inandia

una cella funeraria boña à ac-

chuegge doe casce.

Stato interrou o mòrto, se serra o

passaggio da-o pertuso a-a cella

funeraria con unna miagia de prie,

e dapeu se impe de tæra o pertuso

e in cimma se ghe fa un montetto

e se ghe scistema e lapide. Donca

se bruxa da carta monæa e atre cose, e se offre vin e un pittin de

pan inmorbidio a-o vapô, e carne.

Tornæ a-a gròtta, se mangian di dösci de miglio glutinoso. Pòi tutti i parenti ripartan.

Trei giorni apreuve à l'intæro i membri ciù zoeni da famiggia van a-a tomba, offran carta monæa e carne e vin e pan de gran inmorbidio a-o vapô, cianzan ben ben e tornan à cà. O centeximo giorno ascì se va à vixità a tomba e se fa un'offerta. Donca se ghe va unna vòtta à l'anno. Gh'è un giorno into quei tutti i abitanti de Liu Ling, communisti e sensa partio, van a-e tombe di seu poæ e fan de offerte. O gni famiggia a gh'â un cemetiò so.

Pe sólito, e videoe se sposan torna.

(...). Ma a videoa a no deve sposâse avanti che segge passou çento

giorni da-a mòrte do maio. Se a

mette a-o mundo un figgio pôstumo, se dice che a l'â avuu un “figgio da-a luña”. De vòttes succede.

E dònne in lutto no devan portâ

di vestii variopinti, devan vesti de

gianco o neigro o grixo o bleuçê.

Se o mòrto devan portâ de gioie. Se

o mòrto o no l'âiva ancon compio

sciusciant'anni, no se parla de lê


voentea. “O l'â fæto unna mòrte infelice”. Ma se o l'âiva za fæto

sciusciant'anni, se ne parla voentea: “o l'â fæto unna mòrte felice”.

SPETTACOLI

VARIETÆ

O CROXIVERBA



DESTEISE

- Un di nommi sciorrii pe fâ o candidou do csx.
- Un di nommi sciorrii pe fâ o candidou do csx.
- Provinça de Arezzo.
- A fin ch'a fa a Olga.
- Doi.
- O nevo.
- Un di nommi sciorrii pe fâ o candidou do csx.
- Margaita, paise.
- Passâ a-o siâso.
- Aeronautica militare.
- Nomme de un caudillo zeneise.
- Un di nommi sciorrii pe fâ o candidou do csx.
- O veliero do Mussolini.
- Un di nommi sciorrii pe fâ o candidou do csx.
- Un di nommi sciorrii pe fâ o candidou do csx.
- Carta d'identità spagnolla.
- Radio 102.5.
- Ingleise.
- Olympique Lyonnais.
- Provinsa de Aosta.
- In faccia, de fronte.
- Certificou de Credito do Tesöo.
- Unna fruta sarvæga.
- Grammo.
- Un di nommi sciorrii pe fâ o candidou do csx.
- Prôfugo da Tróia.
- Un di nommi sciorrii pe fâ o candidou do csx.

12. O punto inte partie de ballon. 14 Un di nommi sciorrii pe fâ o candidou do csx. 16. Evaluation Assurance Level. 18. Louisiana State University. 19. Spigo sensa gran. 20. In fondo a-e die. 21. Gazzo. 23. Pescio d'aiga. 27. Fuerza Aérea Ecuatoriana. 29. Metallo precioso. 31. Zeuga o derby con l'Inter. 33. Provinsa de Milan. 34. Un di nommi sciorrii pe fâ o candidou do csx. 35. Unn'atra vòtta. 38. Repubblica Popolare. 39. Formaggio de montagna. 42. Tra o tronco e a cheuscia. 43. Dipartimento di Economia e Statistica. 44. Mi into passou. 46. Termomeccanica ecologica. 48. Repubblica Democratica. 49. Serie TV. 53. Serve a-i öxelli pe xoâ. 54. O contrâo de sci.

A SOLUÇION DO NUMERO PASSOU

S	C	A	C	C	I	A	N	O	I	B	E	S	U	G	O
A	R	I	O	L	O	A	I	R	I	N	N				
S	P	I	A	S	E			M	A	I	E	R			
I	O		C	A		E	M	O	S	M	L	I			
S	M	A	N	G	I	A	G	H	E	F	A	B	I	O	
S	A	H	A	R	A	I		I	N	R	A	M	F		
A	T	N		F	R	A	C		A	S	T	R	O	A	
A	Z	S	F	I	N	G	E		C	A	L	I	X		
A	A	T	R	E	D	O	N	N	A	U	N	N	O		
S	N	O	U	S	O	A	I	A	G	E	I				
E	L	T	T	R	O	N	I	C	R	Æ	N	I	N		